

TAITH GELF A THREFTAETH

Mae'r llwybr cylchol hwn i feicwyr, cerddwyr, rhedwyr a rhai sydd am loncian tua 10km (6.2 milltir) o hyd ac yn rhedeg drwy Fae Caerdydd a Phenarth gan ddefnyddio Pont y Werin.

TEITHIO I FAE CAERDYDD

Ar fws

Bws y Bae (gwasanaeth rhif 6) sy'n cynnig y llwybr bws mwyaf uniongyrchol rhwng canol y ddinas a Bae Caerdydd. Mae gwasanaethau bws 1, 2, 5 ac 8 hefyd yn stopio yn y Bae.

Ar drên

Mae gwasanaeth trên cyflym yn cysylltu gorsaf Heol y Frenhines a'r Bae.

Gweler Traveline Cymru am wybodaeth am drafnidiaeth gyhoeddus: 0800 464 00 00 traveline.cymru

Ar droed

Croeswch Sgwâr Callaghan a cherddwch ar hyd Rhodfa Lloyd George.

Ar feic

Llogwch feiciau Pedal Power
Amseroedd agor tymhorol – gwiriwch ymlaen llaw.
029 2039 0713 cardiffpedalpower.org

Sustrans:

sustrans.org.uk/wales



Am fwy o wybodaeth am gerdded a beicio, ewch i: keepingcardiffmoving.co.uk/cy/hafan



Cyhoeddwyd gan Awdurdod Harbwr Caerdydd 2023.
harbwrcaerdydd.com

This map is also available in English.
For more information, call 029 2087 7900.



1 Y Tŵr Dŵr

Mae gan y Tŵr Dŵr, sydd wedi'i wneud yn enwog gan Torchwood, cyfres boblogaidd y BBC, arwynebeddau adlewyrchol a llif o ddŵr rhedegog. Gan ei fod yn 70 troedfedd o uchder, mae'n dirnod trawiadol yn y Bae.



2 Adeilad y Pierhead

Codwyd yr adeilad mawreddog hwn, a oedd yn swyddfeydd i Gwmni Rheilffordd Caerdydd ar un tro, gan William Frame yn ystod y cyfnod Fictoriaidd. Bellach yn rhan o Senedd Cymru, mae'n cael ei ddefnyddio fel canolfan unigryw i ymwelwyr, a lleoliad cyfarfodydd a digwyddiadau.



3 Cofeb Ryfel y Morwyr Masnachol

Mae'r cerflun coffa hwn sydd er cof am forwyr masnachol Bae Caerdydd yn cyfuno corff llong wedi'i laniu gydag wyneb digyfnewid sy'n cynrychioli pob person a fu farw yn y môr.



4 Wal y Dolffiniaid a'r Doc

Mae'r morglawdd hwn sydd ar lethr yn rhedeg o'r gogledd i'r de rhwng Doc Dwyreiniol Bute a Basn y Rhath. Mae pum darn o bren yn goleddu tuag at i mewn ychydig ar y gwaelod. Defnyddiwyd nhw i glymu llongau wrth iddynt gael eu trwsio.



5 Meinciau Creaduriaid

Ysbrydolwyd y meinciau cerfiedig prydfarth hyn a wnaed o friciau gan y creaduriaid mytholegol a ddisgrifir yn Ballad of the Long-Legged Bait, cerdd gan Dylan Thomas.



6 Pit to Port a'r Waterguard

Crëwyd y cerflun efydd hwn gan y diweddar artist John Clinch, ac fe'i cwblhawyd gan Jon Buck. Mae'n dathlu treftadaeth Bae Caerdydd fel un o borthladdoedd allforio glo pwysicaf y byd.

Mae'r Waterguard yn enwog am ei bensaerniaeth gyfunol. Symudwyd wyneb Fictoriaidd yr adeilad o Ddociau Caerdydd i'w lleoliad presennol ym 1993, ac fe'i haddaswyd gyda dyluniadau modern yn 2001.



7 Yr Eglwys Norwyaidd a Chofeb Capten Scott

Mae'r eglwys hon, a anfonwyd mewn llong yn y 1860au ar gyfer y morwyr Sgandinafaidd a oedd yn gweithio yn y Dociau, yn enwog am fod yr eglwys lle cafodd Roald Dahl ei fedyddio. Heddiw, mae'n cynnwys oriel, lle i ddigwyddiadau a chaffi.

Y tu allan i'r eglwys, mae cofeb fosaig Capten Scott yn edrych dros y fan lle hwyliodd llong Scott, yr SS Terra Nova, ym 1910.



8 Arddangosfa Oes y Glo

Mae'r arddangosfa hon yn dangos datblygiad ffynonellau ynni, o lo a phŵer niwclear i ynni adnewyddadwy. Mae'r hysbysfyrddau hefyd yn adrodd hanes Dociau Caerdydd a'r Bae.



9 Y Crocodeil Enfawr

Y cymeriad poblogaidd hwn, a wnaed yn enwog gan lyfr Roald Dahl o'r un enw, sydd â'r wên fwyaf yn y Bae! Yn berffaith ar gyfer eistedd i lawr a chael hunlun gyda theulu a ffrindiau, mae gan y creadur hwn hyd yn oed ei ap ei hun – y Tiger Bay Trail – ar gael ar iOS ac Android.



10 Arddangosfa Capten Scott

Dan hwyliau'r Morglawdd, byddwch yn dod o hyd i arddangosfa yn amlinellu'r Alldeith Brydeinig i'r Arctig ym 1910, a arweiniwyd gan Gaptan Roberth Falcon Scott. Mae'n disgrifio'r dulliau anhygoel i'r grŵp eu defnyddio i gyrraedd pegwn y de.



11 Cylchau'r Morglawdd

Mae'r celfwaith hwn, a ddyluniwyd gan Felice Varini, yn defnyddio strwythurau a phaent y Morglawdd i greu collage cylchol. Nid yw'r cylchau'n weladwy yn syth a gallwch eu gweld o un lleoliad ar y Morglawdd yn unig.



12 Heol y Tollty

Adeiladwyd Heol y Tollty, a ddyluniwyd gan Samuel Dobson yng nghanol y 1800au, o friciau melyn gydag addurniadau carreg ac mae clochdy ganddo yn y canol. Mae hefyd ddau dŷ bwyta ganddo.



13 Meinciau Portreadol Caerdydd a'r Fro

Mae'r meinciau, sy'n rhan o brosiect Connect2 Sustrans, yn arddangos portreadau maint llawn o bobl y gymuned. Ar faenc y Fro mae'r Fonesig Tanni Grey-Thompson, yr Olympiad Nicole Cooke a Tim Burns o Ysgol Gynradd Cogan; tra bod mainc Caerdydd yn darlunio Jason Stone o'r Cardiff Devils, sylfaenydd Pedal Power, Sybil Williams, a Lydia Harris o Ysgol Gynradd Mount Stuart.



14 Y Lanfa Lo

Mae gweddillion y lanfa lo olaf, a godwyd ym Marina Caerdydd ym 1859, bellach yn fan edrych o Canolfan Dŵr Gwyn Rhyngwladol Caerdydd. Mae'r adeildd hanesyddol wedi'i gadw i atgoffa pobl am hanes a threftadaeth morol Caerdydd.




15 Gwarchodfa Gwlyptir

Agorwyd y lle hwn, a ddatblygwyd ar hen forfa heli, yn swyddogol fel gwarchodfa gwlyptir yng Ngorffennaf 2002. Mae oddeutu 8 hectar ac fe'i lleolir ar ymyl ogleddol Bae Caerdydd, yn gartref i blanhigion ac anifeiliaid lu. Os ydych yn mwynhau gwyllo adar, mae'r manau gwyllo ger Gwesty Dewi Sant ac ar y llwybr pren yn ardderchog.



16 Pobl Fel Ni

Mae'r cerflun efydd hwn o gwpl ifanc, a grëwyd gan John Clinch ym 1993, yn cynrychioli'r bobl a oedd yn byw ac yn gweithio yn hen ardal Tiger Bay.




17 Gwesty'r Gyfnwidfa Lo

A hithau bellach yn westy crand, arferai'r Gyfnwidfa Lo fod yn un o'r adeiladau masnachol pwysicaf yng Nghymru. Roedd perchennogion busnes yn arfer cwrdd yma i negodi ac arwyddo cytundebau sylweddol, ac yma y gwnaed y trafodyn gwerth £1m cyntaf erioed.



18 D-Shed

Ailosodwyd yr adeilad hwn, a leolwyd yn wreiddiol ar hen Ddoc Dwyreiniol Bute, yn y lleoliad presennol yn y Rhodres ac mae bellach yn gartref i Grefft yn y Bae a thŷ bwyta. Dyma enghraifft brin o warws/sied gludo â ffrâm haearn.





**CARDIFF
CAERDYDD**

HARBOUR AUTHORITY
AWDURDOD HARBWR

LLWYBR BAE CAERDYDD

**Pellter:
10km/6.2 Milltir
(Tua)**

Allwedd

	Toileddau		Llwybr Celf a Threftadaeth
	Llefydd Newid		Parcio i Feiciau
	Gorsafodd Trên		Llwybr Bae
	Bws Awyr Agored		Cerddwch eich beic yma
	Arosfan Bws Dŵr		Llwybr Seiclo
	Ymadawiadau am Ynys Echni		Beicwyr: Gofal
	Gwarchodfa'r Gwlyptiroedd		Theatr
	Safle Tacsis		Sinema
	Swyddfa'r Post		Amgueddfa
	Parc		Adeilad o Ddiddordeb
	Heddlu		Barrau a Bwytai
	Llawr Sglefrio		Chwaraeon Dŵr
	Stadiwm Chwaraeon		Safle Bws y Bae
	Pwll Nofio Rhyngwladol		Gollwng a chodi Parcio a Theithio
			Parcio Ceir